



M O S T A R

Broj: 02-01-36-1286/17

Datum:05.02.2018.godine

Na osnovu člana 17. stav (3) tačka 3. Zakona o unutrašnjim poslovima HNK/Ž („Službene novine HNK/Ž broj: 2/98, 4/01, 3/02, 1/03, 2/06, 5/08 i 6/08), člana 64. stav (1) tačka a), člana 70. stav (1) Zakona o javnim nabavkama („Sl.glasnik BiH“, broj 39/14) (u daljnjem tekstu: Zakon) i preporuke Komisije za javnu nabavku za kolektivno osiguranje zaposlenih u MUP-u HNK/Ž za 2018.godinu broj: 02-01-36-1286/17 od 23.01.2018.godine, ministar d o n o s i

O D L U K U

o izboru najpovoljnijeg ponuđača za javnu nabavku: kolektivno osiguranje zaposlenih u u MUP-u HNK/Ž za 2018. godinu

I

Prihvata se Preporuka Komisije za javnu nabavku za kolektivno osiguranje zaposlenih u MUP-u HNK/Ž broj: 02-01-36-1286/17 od 23.01.2018.godine i dodjeljuje se Ugovor za javnu nabavku za kolektivno osiguranje zaposlenih u MUP-u HNK/Ž za 2018. godinu ponuđaču „Central osiguranje d.d.“ kao prvoplasiranom na rang listi u otvorenom postupku predmetne javne nabavke.

II

Prijedlog Ugovora o nabavci dostavit će se na potpis izabranom ponuđaču „Central osiguranju d.d.“ po proteku roka za žalbu, računajući od dana kada su svi ponuđači obaviješteni o izboru najpovoljnije ponude.

III

Ova Odluka objavit će se na web stranici MUP-a HNK/Ž koja glasi www.muphmk.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke za kolektivno osiguranje zaposlenih u MUP-u HNK/Ž za 2018. godinu pokrenut je Odlukom broj: 02-01-16-1241/17 od 17.10.2017. godine i Odlukom o izmjenama i dopunama Odluke o pokretanju javne nabavke broj: 02-01-16-1397/17 od 24.11.2017. godine.

Javna nabavka provedena je putem otvorenog postupka. Procijenjena vrijednost javne nabavke bez uračunatog PDV-a je 100 000,00 KM.

Komisija za javnu nabavku imenovana je Odlukom broj: 02-01-36-1286/17 od 01.11.2017.godine. Predmetna tenderska dokumentacija objavljena je na Portalu javnih nabavki dana 01.12.2017. godine.

U ostavljenom krajnjem roku za dostavljanje ponuda pristiglo je pet ponuda i to:

1. Asa osiguranje d.d. Sarajevo
2. Uniqa osiguranje d.d.
3. Central osiguranje d.d.
4. Croatia osiguranje d.d.
5. Sarajevo osiguranje d.d. Sarajevo.

Neblagovremeno pristiglih ponuda nije bilo. Sačinjen je Zapisnik o otvaranju ponuda i isti dostavljen svim učesnicima postupka predmetne nabavke.

Nakon otvaranja ponuda Komisija je pristupila analizi dokumentacije priložene uz ponude u smislu provjere njihove pravovaljanosti s obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama, o čemu je sastavila i Zapisnik o pregledu i ocjeni ponuda broj: 02-01-36-1286/17 od 10.1.2018. godine u kojem je utvrđeno slijedeće:

- Ponuda ponuđača „Sarajevo osiguranja d.d. Sarajevo“ ne ispunjava uslov za kvalifikaciju tenderske dokumentacije. Navedeni ponuđač nije ispravno popunio Aneks 2- Obrazac za ponudu, jer nije u tački 9. zaokružio podtačku a) i b).
- Ponuda ponuđača „Central osiguranja d.d.“ ocjenjena je kao ekonomski najpovoljnija.

U postupku donošenja ove Odluke ministar MUP-a HNK/Ž nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku jer je Komisija blagovremeno, pravilno i potpuno izvršila ocjenu kvalificiranosti ponuđača i ocjenu prispijelih ponuda, shodno postavljenim kriterijima u skladu sa članom 65. Zakona.

Uvidom u priloženu dokumentaciju, nesporno je da je izabrani ponuđač „Central osiguranje d.d.“ podnio ekonomski najpovoljniju ponudu.

Ponuda ponuđača Sarajevo osiguranja d.d. Sarajevo se odbija kao neprihvatljiva za ugovorni organ u skladu sa članom 68. stav (4) tačka i) Zakona, jer ne ispunjava sve uslove tražene tenderskom dokumentacijom. Naime, navedeni ponuđač nije ispravno popunio Aneks 2- Obrazac za ponudu, jer nije u tački 9 zaokružio podtačku a) i b).

Iz navedenih razloga, primjenom člana 64. stav 1. tačka a) Zakona (kriterij ekonomski najpovoljnija ponuda), odlučeno je kao u dispozitivu ovog rješenja.

Pouka o pravnom lijeku:

Protiv ove Odluke može se izjaviti žalba Ministarstvu unutrašnjih poslova Hercegovačko-neretvanskog kantona-županije u roku od 10 (deset) dana od dana prijema iste u pisanoj formi, a u skladu sa članom 99. i 101. Zakona.

Dostaviti:

- Asa osiguranje d.d. Sarajevo, Trg međunarodnog prijateljstva br.25, 71 000 Sarajevo
- Uniqa osiguranje d.d., Obala Kulina Bana br.19, 71 000 Sarajevo
- Central osiguranje d.d., Džemala Bijedića 39, 71 000, Sarajevo
- Croatia osiguranje“ d.d., Podružnica, Kneza Domagoja br.11, 88 000 Mostar
- Sarajevo osiguranje“ d.d., Alekse Šantića 11/2, 88 000 Mostar
- a/a

